



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Locorum co[m]munium Ioannis Eckij,
aduersus Lutheru[m] & alios hostes Ecclesiae**

Eck, Johannes

Antverpiae, 1541

13 De humanis constitutionib.

urn:nbn:de:hbz:466:1-35599

DE HVMANIS CON-

hanc Epistolam approbantem, iam
omnia erunt incerta, quia huiusmo-
di temerarius, etiam negaret Episto-
las Pauli. Vide Tomo. 4. Homil. 52.

DE HVMANIS CON-

stitutionibus. XIII.

¶ Humana cōstitutio Conciliorum
& pontificum seruanda.

Luc. 10

Qui vos audit, me audit, &
qui vos spernit me spernit,
qui autē me spernit, spernit
eū q̄ me misit. Ecce quod Christū &
Euangeliū spernit, qui ecclesie præ-
latos & ecclesiasticas constitutiones
contemnit. Scitis quæ præcepta de-

2. Thef. 4

derim vobis per dominum Iesum
Christum, & post: Itaq; qui hæc sper-
nit nō hominem spernit, sed deum,
qui etiam dedit spiritum sanctum
in nobis. Moyses cōtra se & Aaron

Exo. 10

murmuranti populo dixit: Audiui
murmur vestrum contra dominum
Et infra: Nos enim quid sumus: nec
cōtra nos est murmur vestrum, sed
cōtra

contra dominum. Qui nouit deum **1. Ioan. 4**
 audit nos, qui nō est ex deo, non au-
 dit nos. Per hoc cognoscimus spiri-
 tum veritatis & erroris.

Omnis anima potestatibus subli **Rom. 13**
 mioribus subdita sit. Non enim est
 potestas nisi à deo, q̄ aut sunt, à deo
 ordinata sunt: Itaq; q̄ resistit potesta-
 ti, dei ordinationi resistit. Qui autē
 resistūt, ipsi sibi dānationē acquirūt

Admone illos principibus & po- **Tit. 3**
 testatibus subditos esse, dicto obedi-
 re, ad omne opus bonū paratos esse

Subdite estote omni creature siue **1. Pet. 2**
 regi quasi præcellenti, siue ducibus
 tanquam ab eo missis. & post: Seruī
 subditi estote in omni timore domi-
 nis non tantum bonis & modestis,
 sed etiam discolis quoniā sic est vo-
 luntas dei.

Posse homines statuere, indicant
 Apostoli prohibentes ab immolatis
 idolorū, sanguine, & suffocato, in-
 dicat Paulus, qui tot leges dedit de-

con-

DE HVMANIS CON

- constituendis episcopis, de viduis,
de mulieribus velandis, vt non præ
dicent mulieres, de non deserendo
cōiuge infideli, de rebus prophanis
& secularibus iudicijs. Et Paulus ho
mo fuit. Act. 1.4.
2. Theff. 2. Itaq; fratres state & tenete tradi
tiōes quas didicistis, siue per sermo
nem siue epistolam nostram.
- Imo semper licuit sacerdotibus
& presbyteris statuere. Deuterono,
duodecimo: prohibet dominus ne
erigatur altare, nisi vbi sit archa fo
ederis, tamen Samuel existente tem
plo in Sylo, erexit lapidem in Mas
phat. Et Helias erexit in monte Car
melo. Deuter. 17. Si iudicium ambi
guum fuerit, supra loco.
1. Reg. 7.
3. Reg. 18. Supra cathedram Moyfi sederūt
scribæ & pharisæi, quæ dicūt facite.
Si ecclesiā non audierit, sit tibi sicut
ethnicus & publicanus.
- Phil. 3. Quicumque perfecti sumus hoc
sentiamus, & si quid aliter sapitis, &
hoc

hoc vobis reuelabit de⁹. Ecce quod ecclesia statuit in honorem dei, hoc deo reuelante facit.

Laudo vos fratres quod per omnia mei memores estis, & sicut tradi-
di vobis precepta mea tenetis, non aut tradidit eis omnia in scriptis, vt supra, & huiusmodi precepta tradita in primitiua ecclesia, scripta & non scripta, testatur Dionysius, i. de ecclesiasti. hierarchia.

Non facietis ibi, quæ nos hic facimus hodie, singuli quod ibi rectum videtur.

¶ Secundum axioma.

Ecclesiasticæ consuetudines ritus & ceremoniæ, æque sunt obseruandæ, atque leges diuinæ.

Manifestatur primo à simili. Consuetudo in ciuilibus habere vim legis, cur non in vsibus ecclesiæ? quia consuetudo ecclesiæ valet cōtra contentiosos.

Si quis videtur contentiosus esse nos

DE HVMANIS CON

nos talem consuetudinem non habemus, neq; ecclesia dei. Super quo ait Hieronymus: Apostolus quū precepisset mulierem orare velato capite, prauenit obiectionē, qua quispiam ei dixisset: Vbi scriptū est? per hoc quod allegat consuetudinem.

2. Pet. 3

Veniēt in nouissimis temporibus in deceptione illusores, iuxta proprias cōcupiscētias ambulantes hoc faciunt heretici, qui non secundum statuta patrum viuūt, sed secundum propria desideria.

Hæretici sunt Chamitæ deridentes nuditatem matris ecclesiæ, quia sine expresso textu scripturæ præcipiat.

Phil. 4

Fratres quæcūque sunt vera, quæcūque pudica, quæcūq; amabilia quæcūque bonæ famæ, si qua virtus si qua laus disciplinæ, hæc cogitate, quæ & didicistis, & accepistis & audistis & vidistis in me, huiusmodi autē sunt cōstitutiones ecclesiæ, quæ sunt

re sunt seruandæ.

Perambulabat (sanctus Paulus cū Act. 15
Sila) Siriam & Ciliciā confirmans
ecclesias, præcipiens custodire præce-
pta apostolorum & seniorum.

Quum pertransirent Paulus, Si- Act. 16
las, & Timotheus ciuitates, trade-
bant eis custodire dogmata, quæ e-
rant decreta ab apostolis & seniori-
bus, qui erant Hierosolymis. Ponde-
ra decreta, quod non erat solum de-
cretum de cessatione legalium.

Christus non solum dedit potesta-
tem plantandi ecclesiam per prædi-
catione, sed etiam regendi, modo il-
la includit potestatem faciendi statu-
ta pro salutari regimine, sine qui-
bus hic nõ viuitur &c. Attēdite igi- Act. 20
tur vobis & vniuerso gregi, in quo
vos spiritus sanctus posuit episco-
pos, regere ecclesiam dei.

Denunciamus vobis fratres in no- 2. Thess. 3
mine domini nostri Iesu Christi: vt
subtrahatis vos ab omni fratre am-
bulat-

DE HVMANIS CON-

bulante inordinate : & non secundum traditionem quam acceperunt à nobis.

Policarp. ad Philippen. Subiecti estote presbyteris & diaconis, sicut deo & Christo. Hieron. ad Luciniū. Traditiones ecclesiasticæ obseruandę sunt, vt à maioribus traditę sunt vnaquęq; prouincia sensu suo abundet, & præcepta maiorum, leges apostolicas arbitretur.

Extant multi canones in decretis super illa re ex verbis Aug. c. ecclesiasticarū c. in his c. catholica, cum similibus. dist. ii.

Heb. 13 Obedite præpositis vestris, & subiaceate eis, ipsi enim reddituri sunt rationem pro animabus vestris.

1. Cor. 14 Omnia secundum ordinem fiant in vobis, ordo autē requirit legem, Obijciunt hæretici.

Mar. 7 Frustra me colunt, docentes doctrinas & præcepta hominum.

Deut. 4. 12 Non addetis ad verbum quod loquor

quor vobis, nec auferetis ex eo.

3 Empti estis precio, nolite fieri serui hominum. Apo. vii.
1. Cor. 7

4 Si spiritu ducimini, nō estis sub lege. Galat. 5

5 Iusto non est lex posita. 1. Tim. 1

6 Lex iram operatur. Rom. 4

7 Vbi spiritus domini, ibi libertas. 2. Cor. 3

8 Qua libertate Christus nos liberavit. Galat. 4

¶ Respondent catholici

Christum non improbasse traditiones hominū simpliciter, sed quas faciebāt contrarias legi diuinæ, aut relinquebant legem diuinam, quia vbi supra sequitur: Relinquentes enim mandata dei, tenetis traditiones hominum, & dicebat illis: Bene irritum fecistis præceptū dei, vt traditionem vestram seruetis. Sicut ibi declarat, & apud Matth. Explicat Paulus: Non intendentes mandata hominum auersantium veritatem. De primo
Mar. 7
Mat. 19
Tit. 1

Hinc, vā æternæ damnationis com-

L 2 mina-

DE HVMANIS CON-

Esa. 10 minatur Dominus condentibus huiusmodi traditiones impias. Væ, inquit, per prophetã, qui condunt leges iniquas, & scribes iniustitias scripserunt, vt opprimerent in iudicio pauperes, & vim facerent cause humiliũ populi mei, vt essent viduæ præda eorũ, & pupillos deciperent &c. Constitutiones vero ecclesie augent cultũ diuinũ, concupiscentiam carnis coercent, & ad seruãda diuina præcepta expeditiorẽ faciunt ac fraternam charitatem augent.

De secũdo

Nihil addendũ est scripturæ quod corrumpat, aut deprauet ipsam, aut quod dicatur esse de integritate sacre scripturæ, secus quãdo promouet ea quæ in sacris literis sunt madata, vel consulta, nam constitutiones ecclesie, & si nõ sunt in scriptura in propria forma, tamen emanant ex ea: vt testatur Sapiens.

Pro. 30

Omnis sermo dei ignitus clipeus est sperantibus in se. Ne addas quicquam

quam verbis illius, & arguaris, inueniarisq; mendax: nō prohibetur ergo simpliciter omnis additio, sed solum additio falsa & mendax.

Si quis (inquit) appofuerit ad hæc, apponet deus super illū plagas scriptas in libro isto. His vero qui addunt, vel apponunt exponendo, declarando, aut interpretando scripturas, leges, aut constitutiones ad diuinū honorem ecclesiæ decorem, & animarum salutem condendo (propter quod etiam Christus alios voluit esse doctores in ecclesia, alios apostolos, alios euangelistas, alios pastores, Et alij dantur genera linguarum, alij interpretatio sermonum) promittitur æternæ vitæ præmium qui operantur (ait ipsa æterna sapientia) in me, non peccabunt, & qui elucidant me, vitam æternam habebunt. Et alibi: Qui docti fuerint fulgebunt quasi splendor firmamenti, & qui ad iustitiā erudiunt multos, quasi

Apoc. vii.

Ephe. 4

1. Cor. 12

Eccle. 14

Dan. 12

L 3

quasi

DE HVMANIS CON-

quasi stelle in perpetuas eternitates

Acutius soluitur quod ibi prohibentur Tikun Zosrim, & illa solutionem credo vera, vide in Porchetto & Galatino.

De tertio. Non debent fieri serui hominum faciendo schismata, vt vnus sit Cepha, alter appollo.

De quarto Qui aguntur perfecte spiritu non sunt sub lege Moysaica, aut coerciua, egent tamen lege directiua: sicut Adam habuit legem in paradiso.

De quinto Iusto perfecta charitate, qui totus regitur spiritu diuino, non est lex posita, pro ea parte qua est iustus, sed quia caro concupiscit aduersus spiritum, pro ea parte habet legem reformatem. Vel dic vt de quarto.

De sexto. Lex moysaica ira operatur, si non adiuuamur a gratia, gratia autem & veritas per Iesum Christum.

De septimo. Libertas Euangelica sicut non excludit potestatem & obedientiam superioris, ita nec eius statuta, sed liber

STITVTIONIBVS. 80

bertas illa opponitur seruituti legis
Moyſaice, & ſeruituti peccati: Ideo
eſt ſolum libertas in ſpiritu, quia nō
ſeruit peccatis, & quia ipſa libertas
promouet bonū, non excludit con-
ſtitutiones & eccleſiæ præcepta, quæ
ſimiliter promouēt bonum, vt te-
ſtatur Paulus: Vos in libertatem vo-
cati eſtis fratres, tātum ne libertati
occaſionem detis carnis, ſed per cha-
ritatem ſpiritus ſeruite inuicem. Et
Petrus: Quasi liberi, & nō quasi ve-
lamen habentes malitię libertatem,
ſed ſicut ſerui dei. Item: Qui, ſcilicet
hæretici, in errore conuerſantur li-
bertatem illis promittētes, quū ipſi
ſerui ſint corruptionis. Hoc beati Pe-
tri verbū impletū videmus in pria-
piſtis Lutheranis, omnis ſpurcitia,
& immunditiæ ſeruis, hāc impiam
& diabolicā ſeruitutem, libertatem
euangelicam mentientes.

Porro in ſacris literis ſæpe com-
mendatur libertas ab oneroſa illa
lege

Glaty

1. Pet. 29

1. Pet. 31

DE HVMANIS CON-

Rom. 6. 7. lege Moyfaica. Paul. Non eftis sub
 lege, fed sub gratia. infra: Lex in ho
 mine dominatur, quanto tempore
 Galat. 2. 3. viuit, itaq; fratres mortificati eftis
 legi per corpus Chrifti. Non iuftifi-
 catur homo ex operibus legis, lex
 pædagogus noster fuit in Chrifto Ie-
 fu. Et quicunque ex operibus legis
 funt, sub maledicto funt. State & no-
 lite iterum iugo feruitutis contine-
 ri. Si circuncidimini, Chriftus nihil
 vobis proderit.

Ideo ablatae funt neomenia, fab-
 Galat. 4. bata, baptifmata &c. Quomodo cõ-
 uertimini iterum ad infirma & ege-
 na elementa? quibus denuo feruire
 vultis, dies obferuatis & menses, &
 Ephe. 2. tempora, & annos. Ipse enim eft pax
 noftra, qui fecit vtraq; vnum, & me-
 dium parietem maceriae, foluẽs ini-
 micitias in carne fua, legem mada-
 Col. 2. torum decretis euacuã. Nemo vos
 iudicet in vlllo cibo, aut potu, aut in
 parte diei fefti, aut neomenia, aut
 fab-

sabbatorum, quæ sunt vmbra futurorum. Idem in Epistola ad Hebr., & Actuum. 15.

Est igitur Christiana seu Euangelica libertas non aliud quàm (vt Paulo placet) redemptio, seu absolutio à seruitute legis, & peccati per Iesum Christum facta, qua addicti deo, & iustitiæ, filiorum adoptionem recipimus. De hac libertate saluator dixit Iudæis: Si filius vos liberauerit, vere liberi eritis: vide ibidem Augustinum.

Rom. 6. 7

& 8.

Galat. 5

Ioan. 8

DE FESTIS ET IE-

iunijs. Non esu carniū,

& gradib. confan-

guinitatis.

XIII.

¶ Vnum diem in septimana deo consecratum, est omnibus obuium.

IN lege Moysi adhuc instituit de alia festa. Tribus vicibus per singulos annos mihi festa celebrabitur

EXO. 23

L 5

tis